



Broj:  
Maglaj,

**Polazeći** od činjenice da je općina Maglaj jedna od općina i gradova u BiH, koja zbog razornih posljedica ratnih djestava (u periodu 1992-1995), imperativa revitalizacije porušenih domova i privrede, neophodne infrastrukture, a potom i posljedica katastrofalnih prirodnih nesreća (poplave i pojave klizišta 2014. godine), jedna od onih koja nema uređen sistem centralnog grijanja tj. sistem zajedničkog snabdijevanja energentima kako domaćinstava, tako i privrednih subjekata koji egzistiraju na ovoj lokalnoj zajednici...

**Svjесni** da ovakvo stanje znatno pridonosi korištenju neekoloških, skupih i različitih energenata čije posljedice su emisije u zrak štetne po zdravlje stanovništva kao i ukupni okoliš i čemu su građani, posebno gusto naseljenih urbanih dijelova općine kontinuirano izloženi dužem vremenu tokom godine...

**Uvažavajući** čvrsta opredjeljenja vijećnika aktuelnog saziva Općinskog vijeća Maglaj da se aktivno uključuju u procese donošenja strategija i odluka koje doprinose eliminisanju ili smanjenju štetnih uticaja za zdravlje građana i okoliš, kao i već izražene volje odgovornih izabranih zvaničnika usvajanjem važećeg Prostornog plana Općine Maglaj, Strategije razvoja općine Maglaj 2021-2027, Akcionog plana održivog upravljanja energijom i prilagođavanja klimatskim promjenama općine Maglaj do 2030. godine.

**Cijeneći** nastojanja Ministarstva privrede ZDK u sastavu Vlade ZDK i Privredne komore ZDK Zenica, da aktivno traže, iniciraju i predlažu rješenja od interesa za građane i privrede subjekte kojom prilikom je pokrenuta njihova Inicijativa pod nazivom „Da plin dođe do svake fabrike u ZDK“.

Na osnovu člana 116. Poslovnika o radu Općinskog vijeća Maglaj, Općinsko vijeće Maglaj, na \_\_\_\_\_ redovnoj sjednici održanoj \_\_\_\_\_ 2026. godine usvaja

## REZOLUCIJU

**O pružanju podrške Inicijativi Ministarstva za privredu i Privredne komore ZDK pod nazivom „Da plin dođe do svake fabrike u ZDK“ i izražavanju interesa Općine Maglaj o učešću u Projektu „Južna konekcija“**

### Član 1.

Općinsko vijeće Maglaj pruža podršku Inicijativi Ministarstva za privredu i Privredne komore ZDK pod nazivom „Da plin dođe do svake fabrike u ZDK“ i izražavanju interesa Općine Maglaj o učešću u Projektu „Južna konekcija“ tj. izgradnji distribucionog sistema kroz općinu Maglaj, čime bi korištenje gasa bilo dostupno velikom broj građana kako ruralnog tako i urbanog područja.

## Član 2.

Općina Maglaj usvajanjem ove Rezolucije pokazuje spremnost da postojeće i buduće planove i Strategije (Prostorni plan, Strategija razvoja općine Maglaj i dr.) usaglasi sa iskazanim namjerama i interesima iz Rezolucije, ukoliko dođe do realizacije Inicijative Ministarstva za privredu i Privredne komore ZDK pod nazivom „Da plin dođe do svake fabrike u ZDK“.

## Član 3.

Zadužuju se Općinski Načelnik i Općinsko vijeće Maglaj da svako u skladu sa svojim ovlaštenjima pisanim putem te kroz međusobne komunikacije i susrete upoznaju nadležne domaće i međunarodne institucije o sadržaju ove Rezolucije.

## Član 4.

Usvojeni tekst Rezolucije se objavljuje u „Službenim novinama Općine Maglaj“ i dostavlja na adrese navedene kao adrese dostavljanja Inicijative Ministarstva za privredu i Privredne komore ZDK pod nazivom „Da plin dođe do svake fabrike u ZDK“.

PREDSJEDAVALA

Aida Bašić

## OBRAZLOŽENJE

Sredinom januara ove godine Ministarstvo za privredu ZDK i Privredna komora ZDK zajednički su uputili **Inicijativu pod nazivom „Da plin dođe do svake fabrike u ZDK“** u kojoj su naveli izraženi interes i energetske potrebe privrednih subjekata i građana općina u ZDK, među kojima i općine Maglaj, a sa zahtjevom da se ZDK posebno općine Zavidovići, Žepče, Maglaj, Doboj Jug, Usora i Tešanj priključe u izgradnji plinovoda tzv. Južne konekcije.

Obzirom da je općina Maglaj u svim strateškim planovima (Važeći prostorni plan općine Maglaj, Strategija razvoja općine Maglaj) već navela interes za izgradnjom plinovoda, ali Sjevernog toka, mi predlažemo da se Inicijativa navedenih institucija podrži iz sljedećih razloga:

- Izgradnja Sjevernog toka iz različitih razloga koji nisu u domenu Općine Maglaj stagnira decenijama i upitna je njena daljnja realizacija.
- Izgradnja Južne konekcije je izgledna i sa već okvirnim rokovima završetka i isticanjem Pisma namjere kompanija iz SAD da iste realizuje.
- Općina Maglaj usvajanjem ove Direktive, odnosno pružanjem podrške Inicijativi Ministarstva za privredu i Privredne komore ZDK ne odbacuje interes i namjeru priključenja i korištenja resursa plinovoda tzv. Sjeverni tok.
- Općina Maglaj bi kroz mogućnosti priključka na plinovod osigurala stabilan i ekološki više prihvatljiv energent kojeg bi kompanije locirane na našoj općini, a veliki su ili srednji zagađivači zraka, riješile pitanje zagađenja zraka.
- Mala kućna ložišta i srednja ložišta kao značajan faktor zagađenosti zraka samim tim i poboljšavanja građana, bila bi u mogućnosti zamjene ekološki prihvatljivijim energentom, a i Općina Maglaj bi mogla ozbiljnije i efikasnije da pristupi izradi dokumenata koji bi doveli do dugoročnog ekonomski prihvatljivog i ekološki čistog rješavanja grijanja objekata na općini.



